

Visoki predstavnik se sastao s francuskim sekretarom za poslove državnim sekretarom za evropske poslove



Visoki predstavnik Valentin Inzko danas se u Sarajevu sastao s francuskim državnim sekretarom za evropske poslove, Harlemon Désirom, s kojim je razmijenio mišljenja o trenutnoj političkoj situaciji i zastoju u procesu reformi u Bosni i Hercegovini. Visoki predstavnik također je razgovarao s državnim sekretarom o posljedicama nedavnih poplava.

Visoki predstavnik zahvalio je državnom sekretaru Désiru na aktivnom angažmanu Francuske i njenoj kontinuiranoj pomoći BiH. "Aktivan i ujedinjen angažman EU i šire međunarodne zajednice i dalje je od suštinske važnosti za osiguranje napretka u Bosni i Hercegovini. Zaključci s aprilskog sastanka Vijeća za vanjske poslove bili su važna potvrda te vizije", rekao je visoki predstavnik.

Govoreći o obilježavanju stogodišnjice izbijanja Prvog svjetskog rata, visoki predstavnik je pohvalio ulogu Francuske u naporima da se osigura, zajedno sa Gradom Sarajevom, da Bosna i Hercegovina danas pošalje važnu poruku mira u svijet. "Brojni događaji koji se odvijaju u i oko Sarajeva usredsređeni su na solidarnost, mir, dijalog i kulturnu raznolikost – samo njegovanjem ovih univerzalnih vrijednosti možemo postići trajno pomirenje, posebno među mlađim

generacijama", rekao je Inzko.